


## 1863-64 - Quen communal

Las entradas muntan 6185.99 frs. Entrada speciala: pils cavals jasters 100 frs.

Las expensas muntan 10'239.98 frs. Expensas grondas ein: al cassier da scola il tscheins annual 225.25 frs., per pliras segiradas 240 frs., agl advocat 1285.55 frs. (cass Munt Traviers a Tschamut), per plattas 758.50 frs., per terren dalla via 3200 frs., taglia cantunala 125.84 frs., pil sulom dalla casa da scola a Selva 124.95 frs.

Il quen ei vegnius approbaus ils 16 da matg 1864, «legius giu alla vischnaunca ed approbaus cun engraziament, attesta Duri Venzin, genau». Il deivet dalla vischnaunca munta 3390.69 frs.



### Las entradas da taglia dallas personas ein nudadas tenor ils vitgs dalla val

A Tschamut pagan	14 fiugs da quei	3 femnas	226.40 frs.	ø 16.15 frs.
A Selva	15 fiugs da quei	1 femna	510.70 frs.	ø 34.05 frs.
A Rueras	45 fiugs da quei	5 femnas	1119.30 frs.	ø 42.80 frs.
A Camischolas/Zarcuns	37 fiugs da quei	5 femnas	769.46 frs.	ø 20.80 frs.
A Gonda	20 fiugs da quei	6 femnas	480.79 frs.	ø 24.00 frs.
A Sedrun	50 fiugs da quei	8 femnas	690.43 frs.	ø 28.10 frs.
A Bugnei	10 fiugs da quei	2 femnas	228.70 frs.	ø 22.90 frs.
A Surrein	11 fiugs da quei	0 femnas	231.83 frs.	ø 21.00 frs.
A Cavorgia	12 fiugs da quei	3 femnas	273.90 frs.	ø 22.80 frs.
<b>Total</b>	<b>214</b>	<b>33 femnas</b>	<b>4531.51 frs.</b>	<b>ø 21.10 frs.</b>

Ils gronds pagataglia ein: Flurin Venzin 112.39 frs., stalter Giachen Venzin 102.19 frs., stalter Paul Venzin 157.62 frs., Giachen Fidel Caveng 190.42 frs., Tomas Huonder 212.24 frs., misterlessa Venzin 137 frs., Gion Flurin Riedi 115.76 frs., Gion Bistgaun Hetz 231.37 frs., stalter Vigeli Beer 106.93 frs., Lurenz Schmid 124.49 frs., signur Lucas Caveng 199.19 frs., signur genau Mucli 285.72 frs.,



Rueras

## 1864 - Sontget dils mats giudem Gonda

*Il sontget dils mats sesanflava el vest dalla punt denter Sedrun e Gonda, ni all'entschatta dalla via da Gonda viers la staziun. El representava Niessegner vid la crusch e purtava sin la fatschada l'inscripziun «Ecce Homo» (Mirei il carstgaun). Il sontget ei vegnius baghegius 1864 sin sulom che famiglia Martin Beer, Gonda, ha giu regalau. Da vegl enneu existeva gia in tec pli anora in sontget fatgs sin petgas e tabliaus cun aissas. Quel ha denton stuii ceder vegnend il stradun sull'Alpsu baghiaus. El ei aunc documentaus igl onn 1837 entras inschignier Salvetti sil plan cartografic dalla via veglia atras la val.*



Avon onns serimnava la cumpignia da mats avon quei sontget per rugalar mintgamai lur fatschentas, sco per exempel metter capitani, reparter las bandieras per las fiastas ed auter. Il sontget s'udeva alla cumpignia da mats, che ha baghiau e manteniu el. Per quei intent vegneva ei priu si mintg'onn la fiasta da Sontgilcrest in'unfrenda denter la cumpignia da mats. Igl onn 1909 han ins enrihiu el cun in niev garter da fier ed igl onn 1911 renovau el. La cassa el garter surveva sco mudesta entrada per la cumpignia. Pli daditg vegnev'ei era schau arder ils davos dis dalla jamna sontga ina glisch en quei sontget. En connex cun il slargiament dil stradun e l'erecziun dalla via da **Gonda** ha il stradun stuii ceder allas relaziuns modernas da traffic.

### Las treis cruschs vid il sontget

Silla vart dado pendeva ina crusch en memoria dil caverer Giachen Antoni Curschellas da **Surrein**, in giuven da circa 17 onns, ch'ei sin ina plaunca semess giu per durmir, la capiala sut il tgau ed il fest enta maun, mo ei buca levas si pli, schabegiau igl onn 1888.

Ils 19 da fenadur 1926 ei il buobet Ignaz Cavegn, da 7 onns, fegl da Florentin Cavegn da **Gonda (Sontget)**, vulend traversar il stradun, vegnius sut in automobil brasilian, che vegneva sur l'**Alpsu** ed ei staus bara en ina mes'ura.


Ils 26 da schaner 1932 sedisgraziescha Remigio

Locatelli mortalmein da transportar ina pegna cun ina sliusa da corns. Vegnend da **Gonda** giu, vegn el buca da frenar e cupetga encunter il sontget dils mats.



## Plan da situaziun digl onn 1860

- 4. Via veglia
- 5. Via nova, eregida ils onns 1862-64
- 7. Il vegl sontget



Davontier la via ch'ei la cuolpa dalla disfatga dil sontget dils mats ils onns 1960 muort engrondaziun dalla via principala, mo era pervia dalla segirtad d'access dalla **Via Gonda** ella **Via Alpsu**. La via veglia da **Gionda** passava dretg e seniester dil sontget e mintgin fageva diever tenor basegns e direcziun ch'ins leva prender. Dretg steva in baun che vegneva duvraus stedi. Era jeu sundel sesius meinsvart sin quel.

Igl unviern mavan nus cun scarsola da **Gonda** giu e quei naven dalla staziun. Il pli savens seligiavan nus en cun star en venter silla


scarsola e formavan aschia ina cadeina da 3-4 scarsolas. Giu ella via principala semenavan nus e predevan la direcziun dil **Run** giu e la cuorsa cuntinuava tochen giu spel **Rein**. Il pir fuva il turnar ensi e gliez cuzzava "bienaditg".

Davostier ves'ins dretg la casa barschada giu 1981, Cavegn «satler». Seniester la mazlaria Curschellas dil "Thomas mezger", sco el vegneva numnaus da nus en famiglia. Jeu seregordel aunc bein dalla zoppina dils onns 1950/60. Jeu erel in buobet e sur il sontget vev'ins rasau ora resgem ed ins stueva passar atras quel, tgunsch cunteneva quel enzatgei per desinfectar. La mumma era strentga e mirava che nus passien serius ed endretg atras quella sdrema melna da resgem. Quei veva fatg a mi gronda impressiun ensemen cul plaid "zoppina" che tunava nundetg impurtonts en mias ureglias affonilas!



## 1865 - Cunfins denter Medel e Tujetsch

Tujetsch cunfinescha cun dus cantuns e duas vischnauncas. Ils cunfins encunter il Cantun Tessin han mai procurau per dispetas ni malaveglias, il cunfin sesanfla semplamein sisum la pezza, in cunfin natural. Cul Cantun Uri ei la situaziun sil Pass Alpsu meinsvart stada suttaposta a differenzas. Il pli savens veva ei da far culla pasculaziun, che mintgin stetti gie da sia vart. Adina puspei ein quels cunfins era vegni terminai da niev. Cun la vischnaunca da Mustér ha ei buca dau da dispetar. Suenter onns emblidav'ins las terminaziuns ed ei fuvà necessari da renovar. Aschia era cun Medel e sch'ei deva leu malaveglias, lu mava ei pervia digl uaul e la lenna. Ils da Cavorgia han giu da sedispetar pervia dalla pasculaziun dallas cauras. Ils onns 1830 ei vegniu rugalau quella questiun.



Sepusond sin la sentenza cumpromissaria dils 21 d'october 1861 a **Mustér** en questiun denter las duas vischnauncas da **Tujetsch** e **Medel**, ein las respectivas lingias da mesiraziun sut ils 29 da settember 1865, en preschientscha dils alla fin suttascrets signurs geraus, vegnidas stabilisadas sco suonda:

1. Dil tierm giu **Cavorgia** dador casa el sulom dalla casa ussa demolida, stada da statalter Giachen Martin Bearth, va ei en lingia sin il tierm el cantun dil prau da statalter Tumaisch Monn.

2. Da quei tierm grad numnaus eis ei vegniu priu, cun cuntententscha dils signurs geraus d'omisduas vischnauncas **Tujetsch** e **Medel**, ina lingia da sequenta maniera:  
Dil punct ni tierm el prau da statalter Tumaisch Monn, duei ina montada successiva ed eguala arrivar sin il punct ni tierm el plaun dalla **Tegia Marscha**, nua che questa livelleta tanghentescha ni streha il terren, duei la lingia da mesiraziun esser formada. Sur da quei eis ei vegniu priu si e mesirau ora ina lingia nivellatorica, la quala munta denter ils dus puncts principals indicai cun 7.67 per tschien. Denter quels dus puncts principals numnai e la sura indicada sentenza cumpromissaria eis ei vegniu tschentau 32 tiarms da crap.

3. Dil tierm el plaun dalla **Tegia Marscha**, indicaus cun il „Jahrzahl“ 1865 ed ina crusch, va ei en lingia sin in crap ni grep sper l'aua, il qual crap ei marcaus cun duas cruschs.

4. Da quei crap sper l'aua grad indicaus va ei ora la **Gonda dil Spitz**, nua ch'igl ei fatg si ina crusch sin in crap gries sper ils tiarms.

5. Da quei davos indicau punct taglia la lingia da mesiraziun si amiez il crest dadens la **Gonda dil Varetg**, nua ch'igl ei era tschentau dus tiarms.

6. Da quei davos punct va ei en lingia tochen sisum dadora la **Val dalla Fontauna**, che schai encunter il **Vanatsch**. Cheu eis ei plantau dus tiarms e sut quels eis ei in crap gries che ha si ina



crusch.

7. Da quels tiarms va la lingia da mesiraziun suenter il spitg si tochen sisum la **Plaunca Aulta**, nua ch'igl ei medemamein tschentau dus tiarms marcai cun crusch.

Per testaziun dil cunsentiment dallas cheu allegadas e stabilidas lingias da mesiraziun, suttascrivan ils respectivs signurs geraus dallas duas vischnauncas.

**Tujetsch**, ils 29 da settember 1865

Giachen Antoni Schmed

Lucas Caveng

Gion Giosep Giossi

Gion Battesta Venzin



Foto dils onns 1920. Davontier il **Drun** cun la punt dalla viafier. Seniester steva igl emprum stan da sittar. Il num local **Las Schibas** dat perdetga. Era gest seniester ei la staziun da val dalla sutgera **Cungieri** vegnida eregida 1956. La caplutta da **Surrein/S.Antoni** ei aunc buca eregida, quei ch'ei succediu 1927, meglia detg la dislocaziun da **Foppas** engiu el liug dad oz! El fons las grondas tendas d'ual da **Maunsut**.


## 1865 – Enumeraziun dils fiugs dalla val

*Dumbraziuns survevan naturalmein oravontut per ver ina survesta e per saver gestamein incassar las taxas e taglias. Sur onns ora varieschan ils fiugs buca per bia, da 190 a 200 casadas. Il vitg da Rueras ha il pli savens giu ils biars fiugs, lu cu ins tila dapart Gonda e Sedrun, quei ch'era atgnamein gest, perquei che mintgin da quels formava in vischinadi cun ina certa autonomia.*

*Schlatteinas sco Domenia Paniera, Toni Derungs, veger Poltera, Giachen Giusep Stainer, Giachen Antoni Zanetti, Christ Giusep Valcher, Onna Maria Gama, Getta Casanova, Beanchi, Matias Kindli, Barclamiu Gieronimo, artavels Gieli Schnotz, tradeschan la derivoonza jastra.*

### Rueras - 48 fiugs

gerau Duri Venzin  
 artavels Duri Maculin  
 Cristgina Maculin  
 Duri Berther  
 Hans Giachen Berther  
 assistent Schmid, vegl  
 Giachen Fidel Caduff  
 Hans Giachen Caduff  
 Sep Antoni Deplatz  
 soras Caduff  
 genau Stoffel Riedi  
 Giachen Maculin  
 Giachen Fidel Caveng  
 Thomas Beer  
 Hasper Berther  
 Thomas Deflorin  
 Thomas Riedi  
 Thomas Huonder  
 stalter Martin Felici Schmid  
 Madleina Decurtins  
 Thomas Berther  
 Domenia Paniera  
 Sep Maria Palli  
 scarvon Beer  
 Lezi Muggli  
 Gion Antoni Berther  
 Giachen Lorenz Berther  
 Gion Fidel Caduff  
 stalter Giachen Decurtins  
 Vigeli Schmid  
 Gion Antoni Monn  
 Soras Venzin  
 sur Vigeli Venzin  
 Giachen Antoni Giossi





Giachen Martin Peder  
Gion Fidel Berther  
Toni Derungs  
Giachen Monn  
Gion Christ Caduff  
fargliuns Alexis  
Sep Antoni Hetz  
statalter Vigeli Matias Monn  
Gion Antoni Palli  
Gion Flurin Riedi  
Gion Franzestg Berther  
Gion Fidel Maculin  
Sep Antoni Brugger  
Cristgina Caduff

**Camischolas e Zarcuns - 28 fiugs**

Felici Monn  
Sep Antoni Monn  
Vigeli Monn  
Vigeli de Ragisch  
Lezi Antoni Monn  
Castgina Vallier  
Giachen Antoni Giossi  
Gion Palli  
Giachen Martin Berther  
Battesta Vallier  
statalter Vigeli Beer  
Vigeli Berther  
Maria Urschla Gieriet  
Gion Battesta Berther  
veger Poltera  
Sep Maria Monn  
Gion Paul Berther  
Rosa Martina Berther  
statalter Gion Andriu Berther  
Martin dil Rest  
Vigeli Vallier  
Gion Antoni Beer  
Paul Schmid  
Maria Urschla Beer, vieua  
Gion Antoni Beer dalla Librata  
Duri Vigeli Deflurin  
Onna Maria Deflurin  
Giachen Giusep Stainer

**Sedrun - 45 casadas**

Vigeli dil Flurin  
vieua Nescha Monn  
vieua Madleina Beart  
Plazi Monn  
Gion Antoni Gieriet  
Rest Gieriet  
capitani Muggli  
Sep Antoni Huonder  
Vigeli Nagler (*che fa guotas*)  
soras Muggli  
vieua Menia Vallier  
Giachen Antoni Zanetti  
Toni Beer Hasper  
Vigeli Soliva  
statalter Vigeli Giacomet  
Duri Batista Monn  
Hans Giachen Beer  
Giachen Michel Monn  
Clau Huonder  
Stiaffen Monn  
Fidel Gamboni  
Rest Antoni Schmid  
Gion Antoni Giacomet  
Vigeli Monn dalla Tina  
Mengia Beer  
Christ Giusep Valcher  
Valcher, rodè  
Gion Antoni Curschellas  
Onna Maria Beer  
Gion Antoni Soliva  
Lezi Huonder  
Lucas Beer  
Gion Antoni Deragisch  
Lisabeth Muggli  
Giachen Fidel Beer  
Vigeli Giusep Beart  
Schreiner Beer  
Toni Schmid  
Marti Vallier  
Lucas Caveng  
statalter Gion Antoni Monn  
Cresenzia Beer



Culastia Caviezel  
Onna Maria Gama  
Getta Casanova

**Gonda - 22 fiugs**

assistent Giachen Antoni Schmid  
Lorenz Schmid  
Maria Urschla Beart  
Beanchi  
Mierta Balzart  
Felici Beer  
Gion Antoni Quinter  
Maria Urschla Casparin  
statalter Giachen Martin Schmid  
artavels Felici Schmid  
Vigeli Beer, vegl  
Giachen Martin Beer  
Franzestg Joseph, artavels, Virth  
Giachen Antoni Decurtins  
Sep Antoni Venzin  
vieua Maria Urschla Gieriet  
Giachen Antoni Beer  
statalter Giachen Antoni Beer  
Giachen Antoni Venzin  
Giuanna Hitz  
Maria Urschla Jacomet  
Matias Kindli

**Bugnei - 10 fiugs**

Gion Benedetg Deragisch  
Gion Battesta Beer  
Sep Antoni Giosi  
vieua Beart  
Giachen Giusep Decrusch  
Gion Giusep Decrusch  
Sep Antoni Deragisch  
Gion Antoni Curschellas  
Onna Maria Riedi  
Onna Maria Venzin

**Surrein - 9 fiugs**

Luis Giacomet  
statalter Gion Antoni Degonda  
Lezi Giacomet  
Luis Giossi

Gion Christ Monn  
Giachen Martin Curschellas  
Giachen Martin Gigier  
Alluis Hendry  
Giachen Antoni Curschellas

**Cavorgia - 10 fiugs**

Lezi Balzart  
Cresenzia Giacomet  
Giachen Antoni Schmid  
statalter Sep Antoni Muggli  
Gion Antoni Schmid  
Maria Urschla Monn  
Martin Peder  
statalter Thomas Monn  
Vigeli Hendry  
Onna Maria Giacomet

**Selva - 14 fiugs**

Flurin Venzin  
Vigeli Virth  
fargliuns Halenas  
statalter Sep Lurenz Venzin  
statalter Gion Antoni Peder  
statalter Giachen Venzin  
Sep Antoni Peder  
Clau Andriuet  
Sep Antoni Loretz  
Franz Giusep Loretz  
Gion Clau Berther  
Gion Martin Peder, Halener  
Victoria Riedi  
Barclamiu Gieronimo

**Tschamut - 14 fiugs**

Lisabeth Loretz  
statalter Stiaffen Schmid  
statalter Gion Clau Sievi  
artavels Gieli Schnotz  
Gion Martin Peder Fidel  
Barclamiu Berther  
Gion Paul Peder  
Gion Giusep Riedi  
Augustin Riedi  
Martin Riedi



Cresenzia Virth  
Giachen Antoni Deflurin  
statalter Gion Paul Riedi  
Rosa Riedi

**Total - 200 casadas**



**Tschamut.** Davostier silla spunda **Caspausa.** Seniester entgins pegns digl **Uaul da Rusas.**

## 1865 - Lenna da fiug

Cun la lenna vegneva sepudend spargnau, ins era stretgs e deva mo sch'ins stueva. Lenna da fiug duorava mintgin ed obteneva 6 vaultas (cargas) e pagava 3 frs. Lenna da fiug e lenna da baghegiar (aissas, quaders e lattas) vegn dau ord las schetgas. Tut las autras lennas vegnan dadas ord ils uaul cumins. - Da temps en temps stueva vegnir reglamentau da niev. Las schetgas fuvan buca ina fontauna perpetna, quellas stevan sut stregn schurmetg, era dil cumin. Ils uauls cumins fuvan decimai ed ei pretendeva da dumandar per mintga lenn. Mira sut annexas: Concessiuns da lenna 1800 – 1866, pagina 1497.

*Lenna da fiug vegnir dada ara alla fobgias e quei ino fari per  
fiug de in cirtl' 6 vaultas per fiug, Lenna da baghegiar vegnir  
dau ara alla fobgias mo ils lenn de aissa e quaders, e lattas e  
per scadin len de aissa eigi tagrau ff 5 il quaders ff 3 e las  
lattas 50 raps, las autras lenas de baghegiar sco lenn de apas  
per reparar luras, e de schlanda ils lenn de pon, areisens, lena  
de Clavau, Canals tetg, de gai vegnir dau ara els uauls cumins  
pagant per ils de aissa e schlandas ff 1.70 per ils lenn de pon ff 1  
per ils lenn de Clavau e ff 50; luras ch'era dada els uauls cumins  
las quallas vegner luras numerada ara de gai vegnir per il dretg  
de pinas lena schumellina senza chei vegnir quintau per dus  
Eigi cantadin de dar lalena de fravis el auter Miffargais ellas  
schetgas pagant quella sco era de gai vegnir dau al caplan  
de thueras e sedrun la lena de barschar ord las schetgas, quei  
30ar gratis, con schar quella de fobgias ara*

1. Lenna da fiug dueigi vegnir dada ora ellas schetgas e quei ina sort per fiug da in circa sis vaultas per fiug, pagond 3 frs.

2. Lenna da baghegiar dueigi vegnir dau ora ellas schetgas, mo ils lenns d'aissas e quaders e lattas e per scadin lenn d'aissas eisi taxau 5 frs., il quader 3 frs. e las lattas 50 raps.

3. Las autras lennas da baghegiar, sco lenns d'aissas per reparaturas e da slondas, ils lenns da punt, areisens, lenna da clavau, canals tetg, duei vegnir

dau ora els uauls cumins, pagond per ils d'aissa e slondas 1.70 frs., per ils lenns da punt 1 fr., per ils lenns da clavau 50 raps;

4. Tuttas lennas ch'ei dadas els uauls cumins, las qualas vegnan buca numeradas ora, duei negin ver il dretg da pinar lenna schumellina, senza ch'ei vegni quintau per dus.

5. Eis ei concludiu da dar la lenna da fravis ed auters mistergners ellas schetgas, pagond quella, sco era duei vegnir dau al caplan da **Rueras** e **Sedrun** la lenna da barschar ord las schetgas, quei zuar gratis cun schar ora quella da pegnas.




A **Rueras** - conta lenna da brisch ei vegneva duvrau, muossa quella foto fatga entuorn la midada dil tschentaner (1905).



## 1866 - Contract e cunvenziun cun Tschamut

Il vischins da Tschamut vulan ver la pasch cugl ulteriur Tujetsch e perquei porschan els maun da vender lur alp e daventar equals als vischins dall'entira val. La vischnaunca surpren ils deivets dil vischinadi en la summa da 7379.02 e bonificheschan ils vischins cun 400 francs per fiug che fa sin 12 ½ fiugs 5000 frs.

La cunvenziun finescha culs plaid: „Cun quei dueien tuttas questiuens denter las numnadas parts esser e restar finidas e negina part ha da far ulteriuras reclamaziuns buca pli stipuladas en questa cunvenziun», - - ton sco in schem da cuntentientscha!



### Brev da cunvenziun denter la ludeivla vischnaunca da Tujetsch ed il ludeivel vischinadi da Tschamut

Cunquei ch'il vischinadi da **Tschamut** veva in'atgna alp ed era pastira da casa exceptuai dalla vischnaunca e quella veva da l'autra vart sias alps e pastiras per ella, ha quei da temps en temps dau caschun tier questiuens, dispetas e custeivels process e quei nominativamein el novissim temps, sch'ei omisduas parts vegnidas tier il patertgament d'entrar en ina amicabile cunvenziun e far fin a tuttas dispetas e questiuens ch'ei ussa avon maun, sco era da prevegnir ad ulteriuras questiuens da quellas varts. Per vegnir tier quest, d'omisduas varts convenabel e desiderau intent, eis ei denter la ludeivla vischnaunca ed il vischinadi da **Tschamut** vegniu serrau giu la sequenta cunvenziun, la quala hagi da valer e cuzzar per adina e per tut temps.

Las stipulaziun da questa cunvenziun ein las sequentas:

1. Surdat il vischinadi da **Tschamut** tras la presenta per ils presents vischins sco lur vegnentsuenter tut quei ch'il vischinadi sco tal posseda per el; seigi alp ni pastira, alla ludeivla vischnaunca ussa e per adina, aschia ch'els san da quei far negina pretensiun pli, ni per bia ni per pauc auter che sco vischin da vischnaunca, essend che quei tut duei esser proprietad da vischnaunca sco auters beins communalis.

2. Leu encunter han ils vischins da **Tschamut** art e part da tuts beins communalis dalla vischnaunca, seigi da tgei natira che quels ein, han aschia il dretg da guder quel, adual auters vischins suenter uorden che la vischnaunca ha, ni stabilescha enzaduras. Medemamein ei il vischinadi da **Tschamut** obligaus da prender part da tuts deivets da vischnaunca che derivien da questa cunvenziun ni ord autras raschuns, quei ei sco els han art e part da tuts emoluments activs, ston els era prender part da tut passiv da vischnaunca, aschia ch'els en tut ein aduals als auters vischins da vischnaunca.

3. Al vischinadi da **Tschamut** sco tal vegn ei dau ils dretgs da catschar lur s. v. cauras sco tochen da cheu, seigi sin alp stada da **Tschamut**, ni en auters loghens, las nuorsas han il medem dretg tochen che la vischnaunca carga quellas, lu ston ellas vegnir messas cun quellas dalla vischnaunca. Ariquard auters s.v. tiers, han els da star vid igl uorden da vischnaunca ed han ils medems dretgs sco auters vischins. Ariguard la pastira da casa vegnan els en tuts risguards teni ni meglier ni mender ch'auters vischinadis.

4. Per ina recumpensa ch' il vischinadi da **Tschamut** ha mess en massa ses emoluments, surpren la vischnaunca ils sequents deivets dil vischinadi:

Tumaisch Berther	500.00
assistent Tumaisch Schmit	400.00
statalter Gion Paul Riedi	547.28
fargliuns Helenas	400.00
Gion Giusep Riedi	600.00
assistent Giachen Antoni Schmit	2608.50
pervenda da <b>Selva</b>	300.00
alla Caplutta da s. Nicolaus, annual 1.36	27.20
per benedir l'alp, capital	81.60
la „Sparcassa“ cantunala	1912.44
total	<b>7379.02</b>


Finalmein bonifichescha la vischnaunca aunc als vischins da **Tschamut** per 12 ½ fiugs per ina recumpensa ch' ils actuals vischins ston gidar a purtar il deivet total da vischnaunca sco auters vischins, la summa da 400 frs. ditgel francs quater tschien per fiug, ils quals ein atgna proprietad particulara.

Cun quei dueien tuttas questiuns denter las numnadas parts esser e restar finidas, e negina part ha da far reclamaziuns ulteriuras buca pli stipuladas en questa cunvenziun.

Aschia daventau a **Tujetsch**, per cunfirmaziun suttascrivan ils 4 da mars 1866

Per la vischnaunca	Per il vischinadi da <b>Tschamut</b>
Lucas Caveng	Vieua Lisabeth Loretz, cun sia noda casa
Giachen Ant. Schmit	Gion Paul Peder
	Stiafen Schmit
	Martin Riedi
	Rosa Riedi fa sia noda casa
	Barclamiu Berther, fa sia noda casa
	Per statalter Gion Clau Sievi, fa sia feglia Maria Catrina sia noda casa
	Giachen Antoni Deflorin
	Carsenzia Vertg, fa sia noda casa
	Sep Antoni Schnoz
	Gion Giaseph Riedi
	Augusta Riedi
	Gion Paul Riedi

Che la presenta cunvenziun seigi registrada el cudisch dils marcaus e brats sut pagina 370, nr. 1, da **Tujetsch** attesta  
 Giachen Antoni Schmetd, registratur  
**Tujetsch**, ils 2 da fenadur 1866



**Tschamut:** ils chischners, mussament dalla cultivaziun dil graun sin 1650 m sur mar



Idilla da **Tschamut**. Dretg la caplutta da s. Clau cun l'ura ella fassada.



## 1866 - Cunfins, dretgs e grevezias dall'Alp Tschamut

La vischnaunca vul suenter la cumpra dall'alp Tschamut scochemai schar vi quella e scriva ora ella per tschun onns en ingant public. Il tscheins annual munta 640 frs.  
 Ils 15 da mars 1866 vegn l'alp schada vi per tschun onns ed in tscheins annual da 670 frs. a J. Anton Muggli e Vigeli Giacomet. Il tscheins ei mintgamai da pagar avon che bandunar l'alp culs tiers l'alp.

### Cunfins, dretgs e grevezias dall'Alp Tschamut, che vegn messa sin ils 15 da mars en public ingant d'alpegiaziun per ils sequents tschun onns, 1866, 1867, 1868, 1869 e 1870.


La vischnaunca da **Tujetsch**, sco possessura dalla sura alp, ha suenter haver concludiu da schar via da paschentar l'alp, era el medem temps concludiu da buca schar via la sura alp per meins che per tschun onns, sco era buca per in pli bass tscheins che quei che l'entira alp stat alla vischnaunca, ch'ei 640 frs. annual.

1. Ils cunfins dalla sura numnada alp ein sco suonda: oragiusut la pastira da casa da **Tschamut**, da l'otra vart l'**Alp Cavradi** e l'**Alp Maighels** e la **Tuma** encunter **Uri**, da l'otra vart l'**Aua** u **Alp Surpalits** era enasi encunter il **Crest da Muschaneras**, quei ei bein d'entelgir, dil maun da **Cuflegl**, e sco quel va si encunter la greppa, si las **Puozas** ei tut dalla vischnaunca, quei che penda encunter il lag d'**Uri**.

2. Resalva la vischnaunca per sesezza, sco ils vargai onns l'usitada **Tgauma** enasi encunter il **Crest Cuflegl**, sco era il **Cuolm Ault** da segar, ch'ei nominativamein ils sequents loghens: Il **Denterdutgs**, las **Plauncas Nurschallas** ed ils **Bauns Tuma** davontier, sco era il transit per ir enta **Maighels** ed ora cun ils stiarls ni auters tiers, aber adina cun stuer ira vinavon senza paschentar.

Era resalva la vischnaunca ils vegls dretgs dil vischinadi da **Tschamut**, che sias cauras possien da tut temps I: resalvond la notg :I star en l'alp, sco era las nuorsas dil detg vischinadi han ils dretgs en l'alp tochen che la vischnaunca carga ad alp. Quellas nuorsas aber pon ils paltaturs (*affittaders*), sch'ei plai enviar ord pastg da vaccas si viers encunter pastg da cauras, aber adina sin ina dueivla moda e buca cun tgauns.

3. Dat la vischnaunca per l'alp in'untgida, po vegnir gudida cura l'alp ei cuvretga cun neiv - e quella bandunar aschigleiti sco l'alp ei terreina, ton che sa vegnir pischentau. L'untgida ei sco





suonda, sur **Selva** e stradun, il **Pastg**, tochen ora **Carmihut** e la **Foppa Tschuppina** sut via.

4. Vegn dau ils dretgs als paltaturs dall'**Alp Tschamut** da quella puder paschentar cun da tgei qualitäts da tiers che ad els cunvegn. Era pon ei, sch'ei plai, segar ils suandonts loghens I: aber buca dapli :I

1. Tut il **Cuflegl** dadens e dadora entochen giu tier il pastg da vaccas e si sper **Cuflegl** entochen tier il pastg da vaccas.

2. Tut las **Surplattas** tras vidaneu quei che penda encunter ils **Cuflegl**.

3. Tut las **Nurschallas Pintgas**, quei tut sco tochen da cheu ei vegniu segau.

Dil rest, resalvond ils loghens en questa numnai, duei, ni dils paltaturs, ni dils vischins da vischnaunca vegnir segau, ni pauc ni bia, sut peina da castitg.

5. Dueien aschibein ils paltaturs dall'**Alp Tschamut**, sco era il vischinadi da **Tschamut** sin lur pastira da casa, sco era l'**Alp Surpalits** e **Maighels**, adina haver buns e sufficientes pasturs, ils quals seigien el cass da tener da tuttas uras ils s.v. tiers mintgin sil siu.

Duess ei aber cun tut quei schabegiar enqual mitschada, sche ha scadin il dretg da turnar a volver ils tiers anavos giud il siu sin ina dueivla moda e senza puder pretender pindrada.

Duess ei aber encunter tutta speranza esser d'ina u l'otra vart, memia gronda negligentscha cun schar ir orsura ses tiers, seigi da di ni notg, ni era aunc vegnir catschau e paschentaun ordsur voluntariamein, sch'ei talis e quals, suenter esser stai admoni, da vegnir tratgs en censura dalla suprastonza da vischnaunca.

6. Ein ils sorprendiders dall'**Alp Tschamut** obligai da pagar igl annual empermess tscheins, avon che bandunar quella cun lur s.v. tiers.

Sco era sch'ei vegn garegiau dils sorprendiders dalla vischnaunca I: dar schon immediat suenter esser serrau giu la cunvenziun :I dils sorprendiders ina sufficiente garanzia pigl annual tscheins e quei ordavon per tuts tschun onns.

La suprastonza  
per quella  
Lucas Cavegn

1866, mars ils 15, ei l'**Alp Tschamut**, en public ingant, vegnida per quels tschun onns avon menziunai, surdada als suddascrets per igl annual tscheins da francs sistschien e siatonta, cun cefras 670 frs.

Dil rest eis ei dau e surdau cun ils cunfins, dretgs e grevezias, talis e qualis, sco la presenta scartira plaida, ni dapli ni da meins.

Per confirmar il sura suddascrivan ils sorprendiders cun agen maun.

J. Anton Muggli  
Paul Schmed per Vigeli Giacomet